

# არაძალადობრივი პროტესტი - გზა სამოქალაქო საზოგადოებისკენ

## მიზანი:

საპროტესტო ჯგუფების სამოქალაქო სეპარაციის, სამართლებრივი ველიდან გასვლის, რადიკალიზაციის და მათგან მომდინარე ძალადობის საფრთხის შემცირება.

## ამოცანები:

1. საპროტესტო ჯგუფების წარმომადგებლების დერადიკალიზაცია და ინტეგრაცია სამოქალაქო საზოგადოებაში.
2. საპროტესტო ჯგუფების წარმომადგენლების პროფესიული თვითგამორკვევის, ალტერნატიული დასაქმების და პროფესიულ საზოგადოებაში ინტეგრაციის ხელშეწყობა.

## მოსალოდნელი შედეგები:

საპროტესტო ჯგუფები, რადიკალიზაციის ნაცვლად მოახდენენ ინტეგრაციას სამოქალაქო საზოგადოებაში

პროექტი ეძღვნება დიდი მეცნიერის - ერის ფრომის ხსოვნის 120 წლისთავს. კონცეპტუალური თვალსაზრისით, პროექტი ეყრდნობა მის მიერ შექმნილ რადიკალური ჰუმანიზმის კონცეპციას. დიდ მნიშვნელობა აქვს იმ ფაქტს, რომ ტერმინი „რადიკალური“ ერის ფრომთან იძენს კონსტრუქციულ კონატაციას.

ჩვენი მიდგომა გულისხმობს არა დაპირისპერბას ე.წ. 'რადიკალებთან' და „ექსტრემისტებთან“, არამედ მათთან საერთო ენის და ინტერესების პოვნას. ჩვენ განვიხილავთ მათ არა როგორც საზოგადოების მტრებს, არამედ საზოგადოებაში არსებული უფრო სიღრმისეული პრობლემების ინდიკატორებს. ცნობილი მეცნიერის - ემილ დურკეიმის მიხედვით საზოგადოების წევრების დევიანტურ ქცევებზე პასუხისგებლობა არა მხოლოდ პირადად მათ ეკისრებათ, არამედ საზოგადოების ყველა წევრს. იმიტომ რომ საზოგადოება ქმნის თამაშის წესებს. ამ დევიანტური მოქმედებების ნაცვლად ჩვენ ვთავაზობთ მათ ჰუმანოცენტრირებულ ტექნოლოგიებს.

„ექსტრემისულ“ ენერგიას, რომელიც ძალადობისკენ და დესტრუქციისკენ არის მიმართული, შეიღებება მივცეთ სხვა - კონსტრუქციული და სოციუმზე ორიენტირებული ფუნქცია რადიკალური ჰუმანიზმის პრინციპებიდან გამომდინარე.

1. ადამიანსა და ბუნებას შორის ურთიერთობა უნდა ეყრდნობოდეს არა ექსპლუატაციის, არამედ კოოპერაციას.
2. წარმოება უნდა ემსახურებოდეს ადამიანს და არა ეკონომიკას.

3. ანტოგონიზმები და კონფრონტაცია უნდა ჩავანაცვლოთ სოლიდარობით.
4. ყოველივე სოციალური აქტიობის უზენაესი მიზანი უნდა ემსახურებოდეს ადამიანის კეთილდღეობას და მისი ტანჯვის არ დაშვებას.
5. ჯანმრთელობას და კეთილდღეობას ემსახურება არა მაქსიმალური მოხმარება, არამედ რესურსების გონიერი გამოყენება.
6. ყოველივე ადამიანი უნდა იყოს დაინტერესებული აქტიური ჩართულობით სხვა ადამიანების კეთილდღეობაში.

პროექტის ჩარჩოში გამოვხატავთ მზადყოფნას ვითანამშრომლოთ როგორც არსებულ ექსტრემისტულ ჯგუფებთან და ვეცადოთ მათი დაბრუნება სამართლებრივ ჩარჩოში, ასევე არ დაუშვათ „დამწყები“ საპროტესტო ჯგუფების რადიკალიზაცია. რადიკალურად განწყობილი ადამიანების ღირსეული რეინტეგრაცია სოციალურ-ეკონომიკურ და პოლიტიკურ სივრცეში შეამცირებს მათში „გარიყულობის კომპლექსის“ და აგრესიის ხარისხს. ჩვენ ასევე ვეყრდნობით კარლ დოიჩის „უსაფრთხო თანასაზოგადოების“ შექმნის კონცეპციას.